


T. 3223/3650.83

29

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
SEP 26 1958



福州府 卷之六十七

列女

古田縣

明 以下
貞節

賴道慈張文孫妻生子一清十五歲而文孫歿道慈年二

十九黃華亂家毀於兵道慈確守其志及一清長為娶

婦廖生三子而廖亡繼室陳道真事道慈孝謹遇廖撫

前妻子不啻已出道慈晚病痲道真護持就牀第逾十

年既生子以寧年十餘日授之書夜則宿火至四鼓爇

哈佛大學漢和
圖書館珍藏印

燈呼讀坐旁觀之後以寧舉進士爲翰林侍講學士贈
追慈道具皆清河郡夫人

趙妙玃曾相紳妻年二十五而寡孤孀甫週歲氏苦志事
舅姑正統閒寇亂舅姑被擄氏冒死求代賊釋之旣家
厄於火氏結草廬紡績資養姑疾割股療之事聞詔旌
其門

沈妙孟李拳妻年二十四拳歿子基甫週姑憐其少寡欲
嫁之妙孟不從事姑益謹縣令杜永濟每斷失節婦必
令拜 而家以愧勵之

羅妙應諸生湯琳妻琳以事之京師旋卒妙應誓不易志
撫妾子珪如已出底於成立壽七十八

朱仁厚諸生李修妻修延平先生十四世孫娶朱生子元
氣甫兩月而修逝氏紡績奉舅姑後子婦俱夭朱復撫
孫長芳事聞旌之

陳扁姑年十八適丁子文閱二載生一子而子文卒舅姑
憐其年少欲嫁之氏指天誓曰未亡人非以此藐孤且
從死者於地下何論他適舅姑沒喪葬盡禮竟以壽終
瑞姑年十六爲王松繼室未三年松沒松前有二子長

液先松卒娶婦陳長姑無子次煒娶婦陳蓮姑生子墀
煒復早逝蓮姑哀傷逾節而亡瑞姑與媳長姑共撫墀
以底於成時稱一門三節

林氏鄭一綸妻年二十而寡紡績供姑齏粥者五十餘年
陳泰姑周世成妻年二十九而寡子志言母病割股人稱
節母孝子

翁氏名成姑何應璧妻年十九夫死撫遺腹孤致一致一
十三日弟子員貢入成均為福安訓導崇禎閒旌
未經旌表貞節

林氏陳致中妻 李妙貴縣學生鄧宗揚妻 蘇氏林

濡妻 張氏陳祚妻 高蓮姑諸生余元機妻 陳淑

卿知事丁德崇繼室 周氏陳九思妻守節七十一年

黃瑚姑胡廷佑妻子文懷上舍生 林仕姑舉人魏

焯妻守節四十九年 李金姑余元佳妻 曾頤姑卓

中行妻 魏德姑陳復陽妻 曾玉英陳應時妻守節

四十餘年 游德姑林田妻守節五十六年 羅氏方

伯榮女諸生陳時中妻 翁氏何如德妻 易氏戴應

隆妻 王氏名淑榮陳良典妻 游夏姑陳國新妻

福州府志 卷六十七 列女三

林貞姑武生員丁金城妻 陳氏郭祚綦妻 孫冕姑

林時邛妻 倪貴姑周于節妻 魏誠姑周世盛妻守

節四十五年 王氏周石屏妾守節四十六年 張嫩

姑陳文聘繼室與妾連銀姑同守節

國朝以下貞節

○熊伏姑陳燿南妻年二十二而寡子幼戊子山寇剽掠

全家遇害氏襁抱其子以遁賊追及亦傷仆地賊焚屋

去比其甦匍匐匿隣邛後孤子長娶婦育孫六歲子亡

氏與媳兩世苦節卒年八十二媳卒年六十

○李氏黃國樞妻烈婦尊姑之從祖母也尊姑傳見後年二十

五而寡當尊姑自刎時羣婢急持之李叱曰稍遲則求

死不得矣尊姑復自縊李視其氣已絕撫屍痛哭賊帥

義之令殯殮尊姑戒部下無掠黃家賊退李號慟久之

越十月李無疾書心經一笑而逝

○江進姑魏學洙妻年二十四而寡遺腹生男事姑撫子

備歷艱辛康熙五十七年旌

實姑許配魏潤潤忽遭惡疾自分殘廢令改適氏曰

耳可療也潤至其家示之不聽竟歸焉潤猶獨臥一

室不與共寢氏曰生死與俱吾志決矣迨有娠潤恐其染藥下之弗克彌月生子潤尋卒氏誓志孀守厥後子復生孫俱無恙人以爲貞節之報

○姚氏諸生陳天顏妻年二十八夫歿矢志撫孤克有成
立年七十一卒雍正十一年旌入節孝祠

○張珠姑魏惇甫妻避亂山中猝遇賊欲污之不屈賊揮刃傷指罵愈厲賊連砍其臂賊去旋甦僅存二指以壽終

○袁正姿蕪州佐女通女史能詩年十六歸諸生金棟
十九而寡時孤學苛方在抱家徒四壁氏茹荼集蓼歷
二十三載撫孤成立爲邑廩生卒年四十有六著聞鶻
詩草乾隆八年旌

○林益姑年十九適魏應鋹未幾應鋹死父憐其少謀嫁
之氏聞自縊不獲遂狎狂迨年五十曰吾志已成可以
無狂矣卒年八十有一

○張秋姑余時卿妻年二十八而寡其次子端士卒妻李
申姑年二十九人以貧故勸之他適李曰餓死事小失
節事大撫四子長天職次天肅相繼早沒長婦李滕姑

次婦陳富姑年皆二十八姑媳妯娌相依爲命後孫登林復之妻李勝姑亦年少一門四代五寡均勵志節

○張氏名翠姑陳華生妻守節四十五年邑令趙某旌之
○湯氏名辰姑鄭名擢妻夫病刲股療之延十閱月竟不起氏撫遺孤成立守節五十餘年邑令某旌之

○章璉姑年十七適陳聖昌二年而寡撫遺孕孤事翁姑以孝翁病篤氏剜股和藥療之時炎蒸剜痕不潰翁病亦尋瘳人稱孝感卒年七十有五

○包氏名章姑徐朝燦妻夫死氏年二十八撫一子向球娶媳王車姑奉姑盡孝姑病刲股以孝聞

○余燦姑阮鴻杰妻二十一歲而寡生子紹蒼方三月課之成立補邑諸生家嘗遭火挺身救老姑烈焰中

○林諒姑周光宏妻姑與翁相繼病氏兩割左股和粥以進年三十寡以完節終

○姚氏魏价人妻价人死氏年二十八子暉吉甫七歲及長娶吳氏名慈姑生子世俊甫五歲暉吉死吳氏年二十六世俊長娶莊氏名梅姑生子成基莊年二十九世俊又死家徒四壁三氏皆以節著

○黃氏名縣姑戴光治曾祖母夫早世立嗣子撫之娶婦汪氏嗣子夭立嗣孫娶媳林氏嗣孫亦夭黃氏二十二而寡歷年八十有四汪氏十九而寡歷年七十三林氏二十八而寡歷年五十人稱三節

○王氏名琴姑薛大衍妻年二十九而寡生三男長作梅娶媳陳鼎姑次作楨娶媳李莊姑季作標娶媳朱巧姑三子相繼夭歿姑媳相依一門四節

○李氏名初姑諸生余希旦妻年二十六而寡子成琮甫二歲比長娶婦李氏名良姑二十八歲而成琮沒撫幼孤鎮亦不壽婦黃氏名已姑三世孀守皆以貞節共勵
○李嬌姑陳作霖妻年二十八而寡家貧苦節撫幼孤成立

已經旌表貞節

彭金姑江詩雅妻守節三十四年 吳氏丁任科妻守節三十年 鄭罕姑庠生周文昂妻守節三十三年
林勉姑陳希招妻守節五十二年 周端靜陳德寬妻守節四十餘年 陳氏徐極生妻守節二十餘年 余亭姑阮明武妻守節三十三年 甘氏鄭子宋妻守節

三十餘年 鍾瑾姑國子監生陳玉才妻守節三十餘年 藍月姑張光治妻守節三十餘年 徐洪姑監生林夢鳳妻守節二十四年

未經旌表貞節

黃氏鄭文學妻守節六十三年 楊氏高戴麟妻守節六十四年 卓氏高士亮妻 鄭氏名球姑丁名震妻守節三十三年 蘇玉姑徐荷峰妻守節五十四年 高順姑庠生林春澤妻 朱惠姑陳鴻騰妻守節二十五年 余氏黃芳人妻守節三十餘年 林純姑國子

監生陳桂芳妻守節四十八年 陳封姑丁經邦妻守節三十六年 陳典姑丁高光妻守節四十年 張冬始陳子祈妻守節四十一年 張滿姑余瑤妾守節六十三年 林傳始曾昌逢妻守節七十一年 林耐始余魯若妻 盧欵姑任正輝妻守節四十年 任英姑陳渾金妻守節四十年 陳璋姑丁登苑妻守節二十八年 黃雁姑曾鳴揚妻 李金姑曾聖傳妻 謝申姑余樂侯妻守節四十五年 余祚始丁正慶妻守節四十二年 鄒蒲姑陳業煇妻守節四十三年 陳雪

姑盧文璧妻守節五十五年 余瓊姑主簿丁仕美繼

室 黎氏鄭天賜妻 李秀姑陳上試妻守節六十年

藍儀姑諸生陳垂芳妻守節六十五年 陳聚姑林

飛龍妻守節二十餘年 李亨姑余元珍妻守節三十

七年 鄭斗姑貢生陳杏芳妻守節四十三年 王氏

鄭瀚源妻 阮慧姑黃掄元妻 施水姑貢生葉作楫

妻與姑包氏守節 薛莊姑徐偉元妻守節四十一年

姚勸姑徐任英妻 周長姑諸生陳綱妻守節五十

餘年 陳佛姑丁元生妻媳宋氏亦守節 鄭邀姑戴

正曜妻 張氏陳堅妻 胡梅姑盧堯日妻守節五十

九年 陳密姑卓名相妻 李恭姑余元琇妻守節三

十年 林瑞姑黃政人妻媳楊氏亦守節 余貞姑諸

生藍恭思妻守節三十三年 羅淑宣諸生丁盛妻守

節四十年媳盧氏亦守節 余翼燕陳之冠妻 馬氏

黃啓朗妻 林長姑許開岳妻守節三十三年 吳貌

姑李顯夫妻守節三十六年 翁興姑丁文觀妻守節

三十九年 江秀姑林端儀妻 鄭恭姑諸生林秉鈞

妻守節二十九年 李荆姑戴久佺妻守節五十五年

劉玉姑陳士明妻守節四十三年 林福使程濟妻

守節四十四年 何永姑陳邦賢妻守節四十餘年

周端姑陳天祐妻 劉端姑林應豸妻守節五十年

鄭淑姑州同丁正奇妻守節四十三年 鄭正姑戴登

科妻守節三十二年 鄭舜姑陳子亮妻守節三十五

年 陳氏曾淳生妻子昌麟廩生 吳莪姑丁子元妻

汪宜姑林瓊瑜妻守節六十餘年 陳朶姑翁維珍

妻守節四十餘年 施貞年國子監生陳允芳妻守節

四十餘年妾楊氏同守 卓懿姑包純齋妻守節四十

餘年 陳招姑戴子紳妻守節六十年 曾續如庠生

陳紹芳妻守節五十一年 丁渭姑陳枝攀妻守節四

十餘年 翁玉姑陳維南妻守節五十四年 鄭玉姑

王正侯妻守節四十六年 林從姑陳子政妻守節三

十五年 熊有姑丁齊榮妻 劉騰姑陳爾盛妻守節

五十四年 盧喜姑鄭爲儀妻守節五十年 丁釵姑

廩生藍枝春妻守節四十餘年 陳助咏丁常光妻守

節四十餘年 卓畏姑廩生陳啓元妻 張永姑諸生

翁維瓚妻守節四十年 姚永姑陳振妻守節二十餘

年 黃芳姑諸生林棟樹妻婦丁氏亦守節 陳雪姑

諸生盧汶璧妻守節五十七年 李秀姑陳世德妻守節

三十四年 林淑姑陳廷獻妻守節四十五年 許字

林長燦貞女施若碧 徐秀姑陳仲光妻 陳釵姑謝

懋桂妻守節三十餘年 陳梨姑舉人丁式邦繼室

張卸姑鄭東海妻守節二十餘年 陳昭姑甘自桐妻

守節四十餘年 藍運姑庠生陳澄妻守節三十餘年

林柔姑陳沂妻守節三十餘年 范要姑林械妻守

節四十餘年 陳璧姑曾元嘉妻守節三十餘年 倪

莊姑陳所知妻守節四十餘年 江醉姑丁文綸妻守

節四十二年 張端莊庠生鄭東華妻守節三十餘年

陳齊姑丁登閣妻守節三十四年 丁銀姑庠生朱

亭妻守節三十餘年 王纘纓藍常健妻 林敬姑黃

耀臣妻守節三十餘年 黃氏藍孫璉妻 丁冠姑曾

芝祥妻守節三十餘年 彭桂姑陳枝梅妻守節三十

餘年 林志姑萬安巡檢黃子良妻守節三十一年

丁容姑陳朝進妻守節四十餘年 李賢姑卓仲謀妻

守節三十五年 卓蒞姑鄭敏士妻守節三十餘年

陳器姑盧元達妻守節三十六年 陳書姑李時簡妻

守節三十五年 李金姑徐四妻守節六十餘年 朱

氏張尊孝妻守節四十年 王氏黃承重妻守節四十

餘年 余淑巧國子監生丁詔元妻 徐氏謝日煌妻

守節三十年 陳字姑鄭敬墀妻 陳蘭姑包祚挺妻

戴煥姑池宗洙妻 鄭鳳姑陳仲耀妻 周容姑錢

明侯妻 陳瓊姑庠生張啓玉妻 吳長姑陳枝秀妻

陳勉姑袁汝弼妻 謝建姑陳于玉妻 周氏程世

宇妻 陳氏程上運祖母 魏氏陳觀翰妻 郭氏貴

兆禪妻 楊氏黃兆初妻 蔡氏許正鸞妻 余氏阮

鴻儒妻 鄭氏黃登龍妻 吳氏鄭仲光妻 丁氏曾

元魁妻 劉氏熊尙珍妻

宋以下
貞烈

利氏女父卒家貲甚豐從兄公謙一夕乘閒殺其母盡挈

其貲去女誓復讐因削髮爲尼行四方求之至處州湖

南遇焉時公謙方擊毬女走訴于官獲之械送本州真

法事在建炎閒

元以下
貞烈

福州府志 卷六十一
林娥儒家女也邑有建寇娥爲所逼露刃臨之不屈遂被
害衆義其節爲擒賊收屍葬之

陳氏名道回蔣國秀妻至正十三年紅巾攻破縣治國秀
被殺太姑蘇妙仁見擒道回號泣請代賊釋太姑執道
回欲汚之道回自刎死事聞旌之

明以下
貞烈

宋氏古田人御史林英妻燕師至英死國難時收死難諸
臣家屬氏在獄中自經死世稱雙節

蔣氏陳振祖妻振祖官松江氏偕之任值兵亂掠郡氏有
殊色知不免投水死

黃九姑孝廉文奎曾祖姑也九姑父亮生子衡衡生子河
甫二歲嫂兄俱歿時九姑年尙未笄念河煢煢無依遂
誓不嫁以長育之後黃氏蕃衍祔姑于廟諡曰義姑

周琚姑歸劉希賢三載而希賢死氏卽投水家人救援且
密防之卒自經死

國朝以下
貞烈

○黃尊姑黃龍女適郭聖昌三載夫卒姑姚氏失明氏爲
舐之孝養備至康熙十三年耿逆之變縣城陷氏自刎

未殊婢奪其刃復自縊死賊帥至命二賊揭帕見其英
氣勃勃二賊忽狂呼乞命七竅流血而亡事聞 詔旌
之

○陳懇姑王善謨妻康熙十三年耿逆破縣被擒不肯行
罵不絕口賊怒以刃刺之洞胸無血但見白氣漫空遂
死

○蘇氏鄭昌運妻甲寅之變抱四歲嬰兒赴池而死

○陳浣月許字林曰肅未婚夫歿欲奔喪殉節母不許且
防之次年值夫忌日扃戶斷喉死雍正二年 旌入節

孝祠

○游貞慧吳子畏妻年饑子畏又染癘疾父母議嫁之氏
夜半沉水死

○江氏名瑳姑聞醢妻夫死子夭殉節自縊

○張端姑陳勤經妻年十九歸陳兩載夫死無子誓必殉
姑謹防之至次年乘閒沐浴更衣自刎氣未絕自以兩
手斷喉根姑覺扶扉入見其手示人若求盥狀家人進
盥畢合掌謝姑含笑而逝時風雨雷電大作忽變酷熱
爲嚴寒顏色不變

○李櫻姑德化訓導方祚隆妾祚隆年八十一始舉子旋卒氏撫孤至四歲嫡欲奪其志氏抱兒慟曰兒四歲可無須乳哺矣吾將從翁于地下天不斲方氏兒當成立遂自縊死年二十有四

○張滿姑許字戴天福年十四天福沒聞訃卽鬢髮輟沐忍口縮腹誓不久生母忍弗能割防之密歷兩旬餘乘閒經橘樹下橘葉盡落樹亦遂枯邑令聞而旌之

○何氏名慈姑諸生游竒能繼室夫死欲殉家人防之急忽憬然曰及吾身不爲夫營一坏土子幼未可知促命工作三壙距夫死六十日投繯死

○黃氏名璧光黃銓女幼時父病刲股長許字李鏊鏊少失怙母陳殉烈鏊復天氏聞訃自盡不死遂奔喪積女紅貲葬其夫家三世守貞三十餘載乾隆十三年旌

○陳秀姑諸生鄭士英妻年三十夫歿自縊而死

○程氏藍姑許字江良俊良俊歿歸江門守節奉姑以死

○魏氏名瓊姑許字鄭世獻未婚世獻卒氏自縊死尸歸鄭兩尸相向各鮮血從鼻孔出乾隆十七年旌

宋

以下各媛

唐璘母古田人璘以監六部門擢監察御史皇駭趨避不敢詣闕母曰人言官好汝何獨憂璘曰此官須為朝廷爭是非一拂上意或忤權貴恐重為大人累母曰兒但盡言吾有而兄在璘拜謝入就職後立臺百日切劘上躬盡言無隱人謂唐介再見則母教為多見宋史璘傳

屏南縣

國朝

以下貞節

未經旌表貞節

張允姑陸金瑞妻

黃招姑胡永裕妻

熊華姑陸文

起妻

楊氏蘇為璇妻

吳氏蘇聖瑞妻

蕭氏包國

珍妻

余氏包某妻

甘氏包增爵妻

王氏包增進

妻

胡氏包增文妻

楊氏包增武妻

陳氏包增標

妻

林氏沈某妻

徐鶴姑張正模妻

陸必賽張德

聰妻

謝氏韋元佐妻

鄭容使孫維正妻

周月使

黃賽觀妻

國朝

以下貞烈

○張熟姑甘珍明妻珍明歿熟姑年二十四自縊以殉

閩清縣

明以下
貞節

余貞貴吳守忠妻時盜起守忠為賊所劫氏懼不免乃錐目刺耳賊見狀相引而去

余氏孫琪妻古田余鑰女琪年十八病死子師堯甫在抱

氏泣誓孀守撫孤歷四十六載嘉靖閒詔旌其閭

未經旌表貞節

陳氏縣學生羅步洲妻 詹氏縣學生孫汝濂妻 朱

氏謝邦燦妻 許氏何玉孝妻 何氏黃元宗妻 池

氏貢生林一舉妻 林氏許文滄妻

國朝以下
貞節

○鄭氏詹允哲妻歸五載而寡家無擔石躬勤紡績以供

○衣食事老姑撫幼子年九十三卒順治初 旌

○劉艾姐錢學甫妻年二十四寡無子俄夫弟有子而死

其妻改適氏遂撫為已子奉姑孝卒年七十有二

○王氏蒙姑曾士胤妻年二十四夫歿家貧撫孤葬翁姑

及夫柩年八十六卒

○周叔耀諸生劉夢熊妻幼通書史早寡事姑孝撫三孤

成立康熙六十一年 旌

○周靜一年十九適姚榮二十七歲夫歿奉舅姑撫兩孤
壽八十三乾隆四年旌

○陳氏適許世偉不數年偉歿育遺腹孤底于成立

○林氏諸生曾興踞妻年二十一歸曾二十六夫卒氏堅
守撫孤姑病瘋臥牀褥不起氏朝夕侍奉者十三年乾

隆二年旌

○吳氏詹子愷妻年二十一夫歿事祖姑撫幼子歷節四
十餘年乾隆三年旌

○陳谷使適林璧萬甫兩載璧萬夭遺孤未逾月氏守志
不二力營舅喪十年侍姑病乾隆四年旌

○姚淑品年十九歸諸生陳志銳夫卒守節乾隆四年
旌

○傅蘭青黃君士妻年十八守節踰八旬而卒乾隆二年
旌

○葉坤使鄭宗生妻歸鄭甫半載而寡苦守三十餘年

○劉氏年二十二歲夫毛右公歿孀居苦節子渭水爲諸
生年七十卒

未經旌表貞節

陳氏詹宜之妻守節五十年 洪庚姐諸生毛焯妻

盧瑞水林夢陽妻守節四十餘年 溫嬌娘林惟端妻

守節三十餘年 吳罕姐程孟達妻 林挺使謝家申

妻守節五十餘年 王氏鄭宣旗妻守節五十年 林

氏杜子統妻 劉氏盧可坦妻守節四十八年 劉氏

張爾起妻 羅氏毛霖裘妻守節四十餘年 黃氏吳

元生妻守節四十餘年 孫氏諸生余乘京妻守節四

十六年 高氏林思友妻守節四十九年 江氏余道

芳妻守節四十年 吳氏諸生盧可任妻守節三十九

年 某氏黃仲岳妻 朱氏詹廷璉妻

明以下
貞烈

孫理姑兄毅菴卒與嫂撫孤不嫁五十餘年卒毅菴妻名

氏無傳

國朝以下
貞烈

○劉氏許字許文炳未婚炳亡氏聞訃歸許守節終身

○吳煥姐林臣輝妻年十九夫卒遺腹數月見柚樹花盛

開指而言曰吾未知得嘗此柚否及秋末遺腹不育氏

遂從容奠拜縊夫柩旁

○吳善使年十八適諸生葉有苾甫五日有苾卒氏自經死顏色如生

○林惠挺年十八適武生員羅大綱三載大綱死氏啣哀絕食視棺殮畢卽自縊

○劉氏許字許而甫未婚夫死氏赴許守節擇嗣以承夫後足不踰閨

○劉氏許字陳龍魁年十九聞龍魁死卽親往守節孝事老姑撫育嗣子年七十有五邑令某旌其門

○陳氏名璫姑黃允文妻允文卒女方二歲有強奪其志者氏懼不免將女投之火遂自刎死柩傍教諭林弼給扁旌之

○孫徽音毛于岐妻夫歿姑病篤繼亡勉強終喪服闋爲夫營葬畢自縊死

○孫錦玉石首縣丞孫柱女通書史年十七許字丁又仁未嫁而又仁歿氏聞訃爲書與姊訣從容就縊顏色如生

○陳金宋翁應朝妻夫死殉烈

長樂縣

宋

以下
貞節

陳氏林子埜妻年十八歸林甫十七日而寡守節不移至九十餘歲卒事聞詔旌其閭

明

以下
貞節

王氏林以德妻年二十六而寡撫其子孔居子歿又撫其孫享年九十有九洪武閒詔旌之

潘氏名元小年及笄父卒母以許林祐祐父坐罪流徙挈祐偕行度不得歸請絕婚元小不可既母卒依伯父以居里有許姓者慕其色出其妻強委禽焉元小不從許訖之官元小具白其故令嘉之坐許罪適祐亦還家元小歸焉

戴四娘陳伯惠妻伯惠卒遺腹生子全撫教之後全舉永樂進士第二人歷翰林侍讀戴年八十有八邑人高廷禮榜其堂曰貞壽

周容娘諸生董琪妻年二十一琪死氏奉舅姑十六年無怠容舅姑歿家人罕見其面卒年七十二

石氏陳洪妻方娠洪卒三閱月生子植誓終奉陳祀植長娶林氏家有百花壺古畫權貴欲攘之因擲撫其罪竟

死非命石詣京雪寃歸與林氏俱以節終石年八十終
林年六十五終

潘三娘陳山妻年二十九山卒撫孤口授遺經後孤懋觀
成嘉靖癸丑進士官兵科翰林學士瞿景淳爲之傳

鄭氏陳道元妻道元病篤講婚禮迎氏入室卽逝父母欲
奪而嫁之屢給其歸氏自誓立志終身不至母家坐臥
一小樓擇嗣撫如已出年至八十無病而卒

林氏何夢卜妻夢卜舉嘉靖鄉薦逾年卒家貧遺一子起
渤氏年二十四茹荼撫育長補弟子員娶鄭氏起渤又
卒未有子婦姑紡績治生相依以終

邱氏夫陳燧早卒苦節自守隣家火發及氏室忽返風而
滅人以爲貞節之報

陳氏許字卓選場選場日瞽父欲毀議更許人氏堅持不
從遂自縊救之得甦年至三十有二邑令夏允彝聞而
賢之捐俸成其婚

葉氏陳四端妻歸甫月餘夫病刲股夫卒自經者三家人
人救免因子處一樓隣火災氏堅不肯下四旁皆焚樓
獨晏然

陳氏諸生謝廷最側室氏幼知內則謹嘖笑歸廷最生子克四歲而廷最卒誓不易志始終一節

吳氏陳天與妻懷安教諭吳琮女年二十七而寡子洵僅三歲姑以痛子臥病氏侍湯藥彌謹姑亡辛勤營葬撫督遺孤成立

林氏王公任妻年二十七而寡長子文謙甫三歲次子文誠以遺腹舉林養祖姑黃姑趙昕夕弗懈撫二孤從師業儒取給組織而已謙誠先後以貢任學官林壽九十四卒

陳史姐長樂行太僕寺卿文沛之女適閩縣林鏡鏡早夭氏年十九哀慟不欲生姑以其有娠苦勸之彌月舉一男甫晬而殤氏慟哭幾絕姑又泣解之氏遂屏葷茹素奉姑終身

李炳姐陳魯生妻母病割股愈之夫早夭炳姐杜門孀守鬻奩具葬姑及夫與其母

鄭友姐陳志元妻生一女而志元夭氏年十八家貧力女紅以養姑苦志四十年女歲哥年二十適吳日鼎五日而夫亦死守志不移時稱母女雙節

已經旌表貞節

陳氏高伯明妻 陳氏謝磔妻 陳氏謝文爵妻

未經旌表貞節

鄭氏鄭子悅女陳淑謨妻 陳氏劉宗善妻 高氏陳

則淵妻 林氏黃伯項妻 鄭氏陳伯遂妻 林氏陳

鳳儀妻 陳氏劉克融妻媳游氏亦守節 江氏劉希

靖妻 劉氏林紹基妻 何氏林明之繼室 蔡氏林

宏見妻 郭氏陳朝豪妻 董氏姜元科妻 林氏高

彥禎妻 蔣氏陳廸光妻 鄭氏李錚妻 鄭氏方伯

鄭錫文孫女陳拱辰妻 林氏鄭成材妻 薛氏周仁

仲妻 黃氏陳應珮妻 周氏董某妻 劉氏鄭性子

妻 王氏陳惟楊妻 陳氏林思範妻 周氏張利軾

妻 李氏陳守鴻妻 陳氏鄭逢榮妻 鄭敬姐陳奇

旭妻 陳氏吳國和妻 張氏吳國泰妻 鄭氏岸生

陳純熙妻 鄭氏陳應濟妻 馬氏林大化妻 石謹

姐陳洪陽妻 陳氏李宜可妻 李氏卓明謀妻 楊

氏李岷妻 朱氏李紹芳妻妾王氏亦守節 劉氏陳

達聲妻 盧氏閩縣人劉有志妻 林氏劉應徵妻

劉氏明誼女陳顯妻 姜氏王涇妻 陳氏劉世河妻

鄭氏陳宗妻 周氏蔣后武妻孫行義萬歷進士曾

孫奕芳萬歷舉人 謝氏陳用和妻 林氏陳植妻

吳氏許鐸妻 林正姐閩縣人陳立豐妻

國朝以下貞節

○尤氏陳興鏡妻興鏡早夭氏將以死殉既念翁年八十

無後因為翁置妾生一男妾復病廢氏身任襁褓養耄

翁後年至六十五無病卒

○林氏鄭春英妻夫亡林年二十事姑盡孝苦節三十載

康熙五十九年 旌

○倪氏拔貢生鄭任銓妻任銓卒氏年二十二有女彌月

忍死鞠之女殤投繯以救不得死乃營冢葬夫立後存

祀水操三十年嗣子念盥領雍正甲辰鄉薦

○陳正姐適林情年二十二寡撫一男一女男殤氏與孤

女紡織度生苦節四十年

○林氏鄭任鑑妻年二十八而寡事太姑及舅姑俱得歡

心撫三孤成立孀居三十餘載長念瀛縣學生雍正二

年旌入節孝祠

○謝氏王思美妻年二十四而寡奉翁姑撫幼子歷節四十八年雍正三年旌入節孝祠

○莊氏名正肅陳需桐妻夫歿莊年二十事舅姑以孝聞歷節三十餘年

○柯氏總戎柯向春女歸鄭敬正二十四歲而寡事舅姑撫三子成立年七十二雍正三年旌入節孝祠

○李氏年十九適黃文就甫半載夫亡氏孝事耄姑撫遺腹子歷四十五載雍正六年旌

○陳氏高必璋妻年二十三夫卒歷節四十三年雍正十二年旌入節孝祠

○吳氏林元秋妻年十八元秋病篤以老母弱子爲囑氏斷指明不負後子復天立嗣孤守節三十七年

○楊氏柯天弼妻年二十而寡奉老姑撫孤克盡慈孝孀居五十餘載

○盧氏諸生陳夏妻年十九歸陳夫亡矢志撫孤歷節二十四年

○林冬姐陳簡元妻年二十夫亡苦志孀守以姪孫利方爲嗣年八十五卒

○陳蘭官年十九適李文浩逾年夫亡遺腹生男善芝及冠而孤亡復撫孫有成歷節四十餘載知縣張某旌之
○柯巳姐陳利笏妻年二十五夫亡撫孤知縣熊某旌之
○高氏江霽妻夫卒守節四十五年

宋

以下
貞烈

陳義姑名中年十二父兄繼亡母又病失明兄遺孤坦甫生三月坦母鄭欲他適義姑留之不得遂誓不嫁養母撫姪陳祀以延號曰義姑

陳氏柯宗寶妻至正閒海賊掠其鄉氏念父老且病亟奔歸欲扶以遁爲賊所執挾登舟氏罵不絕口遂投江屍逆流而上夫收殮之女弟適杜時賊至杜外出姑曰汝年少盍逃諸婦曰夫不在逃將誰從賊突至擊姑仆地婦抱臂號泣賊掠之而去婦戟手大罵賊斷其臂而死劉八娘年十七受聘未行夫亡守貞不移值兄嫂皆亡力撫諸姪劉氏子孫蕃衍皆八娘之力壽七十餘卒

明

以下
貞烈

吳氏許鑑妻嘉靖中倭寇縣鑑夫婦俱見執賊挾刃睨鑑氏抱而哭請代死賊遂殺之鑑得釋

石采蒿叅政石璧女孫嘉靖中倭入寇采蒿隨母避之繫
刀衣帶閒旣而遇賊赴水陷泥淖中賊欲援之采蒿遂
自殺

吳玉蓮陳九敘妻嘉靖中倭變爲寇所獲驅之不行罵不
絕口延頸受刃賊遍斫其膚而去夫扶歸數日卒

廉氏林學師妻倭亂不污死之

謝八娘陳用和妻十九于歸二十七夫卒八娘卽絕粒鬻
奩具市棺衾拜別舅姑端坐而逝

鄭氏林恒妻嘉靖中倭掠各鄉氏匿山中被執驅之不行
逼而辱之脅以刃不從遇害

黃氏林一鵬妻嘉靖末倭變氏遇賊慮爲所污自縊而死
無名氏女長樂人嘉靖倭亂被迫去氏死不受辱倭憤而
刺之下體無完膚血噴濺地不滅

陳氏陳希聞女兄嫂淪沒諸姪皆幼女年十六不嫁躬紡
績營葬四喪撫諸姪成立婚娶年六十八世以星井義
姑稱之

王敬姐許字陳國耀未行而國耀歿聞訃哀號欲奔喪爲
衆所沮越三日自經死以其柩歸于陳合葬

陳宙姐布政使陳崇德女孫適黃一卿一卿卒女以衣帶自經家人覺救之竟絕粒而終

林惜姐鄭重妻夫死投繯自盡詔旌其門

潘氏王良驥妻良驥死掩戶自刳諸姑奪之氏復乘閒以衣帶經死柩側

申屠姑名希光長樂人適候官儒人某貧甚姑作賦以慰其學巨奸方六郎陷夫于死旋求娶焉姑給以葬夫卽從比葬佯許之歸見六郎于房內卽以刀刺之有進視者連斃五六人持六郎頭奔墓所祭夫畢遂自刳

林氏歸王之化甫二歲之化疾不起氏欲自縊家人防之號哭而絕

陳四小長樂人許配閩縣張子卿子卿卒四小自盡以殉陳仲姐適林長淮一年長淮病篤數日睨婦恐其事後人也婦揣知入室自縊爲家人所覺旣又以夫尙臥病不忍遽背越三日夫死旋自縊事聞詔旌之

林尾姑陳登妻登客死遽投繯以救而甦盡出鈿金倩人運櫬逾年櫬不歸氏大慟曰我當于地下求之耳卽飲醢且死張日曰葬我必董峰嶺令可高望郎歸也

永州府志 卷之二十七
林珠姐歸王定鼎定鼎歿自縊

翁氏陳向茂妻夫歿持刃欲自殺爲姑所奪閱兩月餘防
稍踈遂以小刀自割其喉未殊勺水不入口七日更以
指環金斷管而死邑令夏允彝爲之營葬

國朝

以下
貞烈

○劉秉順適林鼎湟順治丙戌鼎湟攜家避兵劉與婦謝
氏及二女各藏利刃衣帶間爲自盡計聞胡指揮偕其
妾殉難劉嘆謂婦并女曰擾攘之際誰謂無巾幗鬚眉
者乎越日兵掠其地劉偕婦并二女相繼刎死四屍相
抱血流殷地鼎湟奔赴藁葬之

○蔣氏長樂人適福清陳得棟與五都陳雲元妻周氏同
被賊掠逼污之二婦誓死不辱賊怒磔之兩屍噴血漬
地歷歲旣久每風雨血跡猶存

○隨姐長樂人姓朱詳適陳伯魏爲妾伯魏僦居福安寇
至隨姐被執逼之給賊曰閉門因舉門關擊賊賊仆地
乃浮河逸去俄受縛于他賊幽之樓上不從賊怒痛笞
之復給賊釋其縛躍出樓下死屍橫道上五日顏色如
生

○鄭氏諸生柯應鳳妻順治初海寇肆掠應鳳被執令爲
嚮導不從死之氏痛夫非命且懼辱遂觸死于丹山下
○林青官陳元綏妻產一子夫卒撫遺孤饑寒相依越六
月孤暴殤林卽自縊

○林氏明進士馬思理孫婦夫客死粵中林聞訃將自殺
家人以二歲兒爲勸林卒縊死

○施二婦長樂謝家僕婦夫死不哭不語入室自經

○王氏長樂人適鬻香人某徙居閩縣夫死家貧獨與姑
共臥起氏初不言死經數日姑寐密焚香拜姑床前自

縊死里人醵金代殮合葬時年十七

○陳開使適石爍爍死有欲奪其志者氏于爍小祥後從
容整衣自縊

○林氏陳兆義妻翁任大名縣尹結褵七旬夫省親病卒
訃至絕粒數日姑力勸之乃強起待夫櫬歸喪葬禮畢
投繯以殉

○江昭官陳志德妻成婚一載夫染疫疾昭官割股以療
竟不起族人拘俗忌不敢治喪昭官躬負夫屍親視含
飯殯訖次日自經年二十一

○江月官許字林肇瑋夫死聞訃歸林三閱月自經卒

○鄭輝姐許字林日蕙未婚夫卒女聞訃隨于次日奔喪

哭奠自縊死

○江順官明經江琳女適王嘉訓嘉訓卒氏年二十一遂

于次日自縊夫殯所

○鄭氏許字林鍾英未行鍾英歿絕食欲殉聞姑年老乃

歸林侍養守貞四十年

○林志姐許字陳德初未婚德初歿志姐聞訃歸陳拜謁

舅姑哭奠夫靈畢遂自縊

○林定姐許字陳國華未婚國華沒女聞訃夜闌起梳洗

更衣登樓就縊

○林玉姐陳于邦妻夫卒氏方有身乃誓曰生男爲夫撫

之女也當從九原下不能久生矣未幾育一女卽從容

自經死

○陳蓉姐林安哲妻夫死之次日投繯以殉

○蔣蘋官許字陳可久可久死訃至卽日縞素歸陳自經

而死

○陳兆官御史書女許配江競生夫卒訃至女哭踊絕食

不死復投繯以救解父母欲緩其期勸以服滿聽殉乃
貞守三年坐臥小樓至大祥行禮畢卒自經死

○柯美姐陳茂旺妻歸四載夫亡幼子繼天氏投繯以殉
年二十二

○林彩姐陳蘭上妻年十九聞蘭上病篤欲自詣夫家奉
藥餌父母卽擇吉歸之至則割股和糜籲天請代于歸
七日夫卒含殮畢從容殉烈乾隆十五年 旌祀節孝

祠

○陳氏許字謝順順卒氏聞訃奔喪自縊而死時年十有

四

宋

以下
名媛

錢四孃長樂人莆田南洋有六塘瀦水灌田千二百頃城
南有溪會澗壑之水三百六十六東趨入海治平元年
四孃捐貲巨萬至莆鳩工築陂於將軍灘前開渠南行
陂甫成忽溪流橫溢壞陂四孃痛憤赴水死七日屍浮
出遠近聞香里人立廟祀之每風雨之夕見雙燈過木
蘭故老傳爲四孃巡陂云

龍未婚又沒陳奔其喪與姑寢處姑亡婦亦隨歿萬歷十六年旌

孝婦鄭鏗妻趙玉蓮

孝婦鄭時豐妻吳氏貞小

趙大主鄭世紹妻年三十孀居有賄其兄使改嫁者兄詭言母病篤令返居數日氏疑之求歸益切兄詐送歸氏見非故道詰之始知其由氏怒擊碎其輿卽攜二子徒步以歸苦節終身

林靜姐陳寧妻年二十八而寡撫孤子有義方

賴環姐陳耆妻耆早世遺孤文亮甫七月賴年二十二自誓不二居窮課子後文亮成立亦孝事母母病嘗糞孫鴻漸成進士歷秋官郎

金善觀定海所百戶金旺女歸本所千戶湯泉生子銘七歲泉卒氏年二十五卽斷髮蠶績養姑姑卒鬻資以葬事聞藩臬旌其閭

張鸞姐林以儼繼室年二十二而寡愛前妻子如已出孝事君姑一日寇至家人盡奔張獨負姑走百里匿山中得免

福州府志 卷之十八
碧霞諸生孫嘉猷婢嘉猷艱於嗣因充後房年甫笄嘉猷
病篤謂妻趙曰若有孕幸生男當爲我守碧霞未有子
宜聽其去碧霞旁侍泣曰薄命不足齒脫有嗣子尙能
効保抱之勞何遽如主君言嘉猷卒趙生男碧霞誓不
去無何趙又逝碧霞獨持門戶爲孤婚娶後孤復夭與
婦林氏力撫孤孫卒年八十有四
張氏南平訓導吳孔銘妾孔銘病瘵氏割股祈天及卒投
繯者屢嫡黃氏力勸之氏忍死事嫡如姑撫嗣男嗣孫
俱成立年七十餘卒

吳金菊陳應褒繼妻年十六歸應褒甫半載應褒病革囑
其兒女於伯兄絕無一語及氏氏哭曰殆以我爲非其
人乎遂矢志撫孤成立守節七十年

張氏諸生孫雋琛妾年二十五雋琛卒無子以女紅治生
計晚年爲尼七十七歲卒同邑黃氏孫輝妾亦夫死不
嫁以壽終

莊氏黃啓元妻夫死於倭氏饑寒頓踣辛苦奉舅姑年九
十七卒長樂謝肇淞爲傳

阮惜姐陳禹績妻早寡豪有慕其色而強委禽者號哭截

髮自誓豪大慙謝卒以節終

林惠小蘇慶明妻慶明歿子應庚四歲自課之學長入邑
庠年六十病困其子使書工寫貌遷下帷曰我寡也勿
復為煩卒不得盡

林慧高州教諭林學女適鄭嶠嶠早夭林年二十三撫育
二孤誓不改節時有媒氏至門諷之改適林齧其耳血
出淋漓自是門絕媒跡

孫靖小陳英妻年二十六英卒子長謨生方五閱月孫專
身姑盡孝身受凍餒撫其遺孤舅姑歿竭力營葬貧不

廢禮

已經旌表貞節

邱氏孫坦妻

未經旌表貞節

劉氏陳天秩妻

孫玉潤庠生陳喬桂妻

林淑珍孫

逢曾繼室

林婉瓊吳維圭妻守節五十年

趙耆姐

庠生陳寶妻

陳氏知州林金母

董氏庠生孫逢機

妻 孫順真邱春臺妻

吳秀小孫成祖妻守節六十

四年

陳氏庠生游大積妻

周恭姐林貞涵妻

滕

氏王復源妻 黃氏庠生陳志超妻 邱牽小陳堯纘
妻守節五十餘年 湯池姐湛大澄妻

國朝

以下
貞節

○黃氏陳時超妻年二十八夫死子堯若在抱太姑及姑
俱在堂氏紡織以供甘旨隣家火起氏憑夫櫬號慟須
臾火滅得全後堯若領順治庚子鄉薦

○朱氏諸生孫永啓妻夫死明季兵難朱年二十一覓屍
葬之守節六十年

○吳葉姐林紹光妻年二十四夫死家貧舅屢逼之嫁不
從以節終

○鄭氏諸生陳獻琳妻琳卒氏年二十四矢志不移營葬
翁姑如禮康熙五十二年 旌

○孝婦吳氏陳時明妻事姑至孝姑病篤家貧不能延醫
氏默祝於天割肝和粥以食姑既而姑卒氏以哭姑創
裂隨歿

○孝婦于氏歸林渭伯未逾年姑以心疾臥牀幾殞氏割
股肉為羹以獻遂愈

○孝婦葉氏黃萬年妻姑曾氏年八十餘老疾氏密封臂

肉入飢粥中翼日姑愈邑令榜其門曰真孝回天

○孝婦王氏諸生陳光祿妻孝事舅姑舅老多病氏割股肉投粥以進舅病忽起方氏割股時恐傷病者心不得效秘其事卽光祿不及覺也

○朱氏吳力行妻年二十二夫死無子家乏餅粟以十指營生計苦不給卒寒饑以死聞者傷焉

○黃氏陳詡妻年二十夫卒無子家貧甚而持志益堅年五十餘卒

○諸生林大偉妻夫歿氏年二十六養舅姑撫孤子守節三十二年

○孫氏諸生林樹楫繼妻年十八適林時樹楫年已五十一矣無何病卒家無斗儲孤甫穉齡氏勤紡績備歷荼苦育孤文焜入成均歷節六十餘年

○黃氏諸生游爲光妻夫病篤泣謂曰吾孕幸生男爲撫育女則從地下夫卒時年二十五越十二日生男繼祖遂忍死撫孤孝養舅姑孤又沒與婦楊氏相依苦志撫嗣孫喬成立雍正十二年旌

○林氏端玉年十九歸黃君資夫死孕甫數月矢志事姑

○撫子成立孀守三十二年

○林氏許字陳兆鍾未嫁夫病篤請於父母往待湯藥夫歿投井以救免截髮自矢苦守終身卒年五十四

○莊氏謝正仁妻年二十二夫死守節三十八年

○阮氏陳時寅妻年二十七寡苦節數十年卒

○王芝小陳堯文妻年二十二夫病勢不起乃引刀斷一指爲信遺腹生子勤劬以撫上奉舅姑族里稱孝

○王錦姐林日至妻二十七寡其兄欲奪而嫁之因謝絕其兄無得踵門矢死不歸寧歷節二十餘年如一日云

○陳氏年十七歸孫斯若二載而夫歿遺腹生子朗人長補諸生氏持身至嚴堂階不輕下年八十餘郡守顧焯旌之

○李氏諸生陳際時側室際時歿遺孤仕晉方齒氏督之學卒以知名于時

○葉貴小黃肅寧妻年二十八夫死子方七歲其祖姑老而失明顧以貧故欲嫁婦以自資葉不從時拮据易斗粟爲老人饋粥自啗者糠粒而已晚嘗病癱誓不求醫及危篤其女爲剖之立愈

○孫氏吳聖功妻也聖功天年二十四孤方四歲守貧不嫁嘗製絨爲花貿以自給貞潔性成斗室自居而几席振拂無纖塵布衣蔬食憔悴至老無有怨言

○吳舉官林紹妻歸紹逾二年紹漁於海遇風溺焉遺子方週歲誓不嫁貧無屋居宗人重其義以宗祠寢室使母子託處之窮老慘淡安其遇不悔

○林氏葉德介妻寡居時二十七歲家貧其伯姒利嫁婦金數窘辱之使速去林持義屹不可動卒以完節

○李氏林兆盛妻年二十八兆盛卒遺孤紹宗三歲苦節五十年卒年七十有二

○黃氏丁兆章妻早寡督其子樵採供爨後稍稍能自給舅姑之喪久在淺土擇地葬之長子廷焜娶婦黃而天婦亦矢節不嫁邑令彭之曇竝旌焉

○潘氏諸生陳光庭繼室年二十五寡卒年六十有二
○楊氏進士邱允通季子婦也夫欽士病數年死楊年二十四家貧甚內外莫爲顧恤者獨撫二子持節終身卒年六十有七

○林氏夏津令孫志仁長子漢廣之妻漢廣早卒林年二

福州府志 卷六十八
○十二家貧遺孕方三月及娩生男檉鞠之成立後檉以例爲永定司訓

○張豔姐劉德俊妻年二十七德俊卒子大綸方三歲張奉姑鞠子以節著

○陳氏鄭瑞生妻諸生大澤母年二十二寡男四歲女方週歲事七旬老姑撫子歷節三十餘年

○吳珠官年十九歸陳新蘭淪年生一子新蘭以攻苦得疾久益篤屬續之頃吳搏應呼天絕而復甦及旬始進湯水一日子患疹吳泣曰去亡人所不死者以有此子

也若朝亡我必夕亡旣而子殤吳因仰藥且咽金皆不得死於是舅始爲之防未幾而病進以藥餌麾不視及困出其鑰子母啓篋身內外所須咸備惟曰兒所少者雙履耳蓋吳志於死故諸身後具皆預自治嘗以紅絹製履姑窺見疑爲嫁具吳聞之恚立焚之故至是以作履囑云卒年二十九

○張祥官陳上游妻二十四寡撫孤成立餼於庠其孫帝眷亦邑諸生歷節六十五年卒學使者旌之

○孫氏諸生熊元鼎妻年二十九寡事舅姑撫二孤子歷

節四十餘年

○劉氏陳德清妻年二十七寡孤尙河方七歲女在抱尙河長遊於庠其女死烈劉卒年六十四

○孫宜閨舉人孫璋之女也歸鄭家樑亦故家子而貧落不能振孫盡脫簪珥資之糞粥布素恬然自安年二十五育二子一女而家樑卒以勤鞠子以禮自閑鍼管之事老不去手端莊矜肅閨秀以爲風範

○趙純玉游有濟妻年二十七夫卒鬻粧奩田葬舅姑守節終身

○林莊小陳禹閨妻年二十四寡守節數十年

○陳喬姐趙正發妻年二十嫁十五日而寡無子苦節終身

○劉氏讓姐王洪錦妻年二十三洪錦卒育嗣孤守節三十三年

○王氏諸生陳光堂妻光堂卒氏矢志撫孤乾隆十五年旌

○孫氏慈姐林則坡妻年二十三夫卒守節二十五年

○陳氏院姐周宗洋妻宗洋歿矢志撫嗣孤守節二十五

年

○陳氏茹菘蘭元懋妻年二十五寡守節二十八年

○王氏游子鳳妻年二十八寡守節撫孤有成年七十三卒

○陳氏官日煌妻年二十四日煌歿育幼孤成立守節三十三年

○鄭氏謝爲瓊妻年二十三而寡守節二十七年

○孫氏拱姐謝廷徽妻嫁甫五月而寡有欲奪其志者力拒不從撫嗣孤有成守節三十五年

○孫氏茶姐林殿棧妻嫁一載而夫死守節三十年

○黃氏林肇新妻年二十夫死守節三十五年

○鄭氏方天驥妻年二十二寡撫遺腹孤守節三十一年

○孫氏陳兆鉞妻年二十三寡奉舅姑育孤有成守節三十二年

○林氏董能禮妻年二十七寡舅失明氏扶持承順得其歡心守節二十五年

○陳奕姐趙克修妻年二十七寡歷節三十餘年大憲爲之題旌

已經旌表貞節

林氏楊叔禎妻 陳端小楊叔禎妻乾隆十一年 旌

林氏夏紹理妻乾隆十二年 旌 陳氏余行邦妻乾

隆十三年 旌

未經旌表貞節

陳氏舉人吳濬達妻 趙氏吳游操妻 林氏謝中行

妻 葉氏黃之紱妻 陳淑和林梓妻 陳氏庠生孫

正經妻 劉氏林立志妻 陳氏孫靜山妻 鄭厚姐

楊栢妻 孫端姐庠生鄭雪妻守節三十年 林喜小

楊枝豐妻 余氏張章朝妻 楊聚姐沈遵炎妻 吳

求姐陳廷茂妻 孫氏陳瑞哲妻 王煥姐陳元華妻

瞿氏張季虞妻與媳陳氏同守節 鄭氏梅肇垣妻

吳謹姐鄭集生妻媳邱氏亦守節 瞿興小陳鏗妻

林招姐陳鏞妻 孫氏林克訓妻 邱氏吳瑞如妻

陳招姐黃朝攀妻守節三十餘年 林金小陳鳴京

妻 王氏陳堯祝妾守節四十四年 林順姐周峻伯

妻 王氏諸生劉峻妻 陳氏黃孔容妻 陳應官邱

懷玉妻 鄭靜姐陳志超妻 鄭金小楊宏楨妻 周

招小邱景祥妻 吳氏張克章妻子婦葉氏 林氏張

茂榕妻 吳良慈陳滉妻 孫氏鄭起朗妻 黃氏陳

錦之妻 吳昆瓊陳汝垂妻子繼祖婦周氏吏部主事

懋勳女 董氏林高甫妻 薛氏邱禮光妻 朱氏許

永春妻 陳氏易世瀚妻 王氏楊君輔妻 吳氏諸

生林雲程妻 王氏陳升之妻 滕氏程永受妻 卓

氏趙秀卿妻 何信小陳開淑妻 孫福姐章作彥妻

江氏謝少峰妻年二十四寡八十二卒歷節六十年

林氏陳思全妻年二十一寡歷節六十餘年卒 趙

士錦楊茂聯妻年二十八寡歷節四十六年 董氏謝

士晃妻歷節五十五年 陳聚小邑諸生張日榜繼室

年二十寡歷節三十四年卒 吳桂姐張文志妻年二

十七寡歷節五十餘年 范氏陳堯能妻年二十八寡

歷節五十餘年卒長婦孫氏年二十四寡卒年七十餘

黃氏陳德老妻年二十四寡八十三卒 黃氏陳俞

玉妻年二十七寡卒年八十六 王招姐陳倍吾妻年

二十三寡歷節六十五年卒 黃氏吳學文妻年二十

四寡歷節五十年卒 張氏吳士卓妻年二十一寡歷

節五十年 楊氏林兆泰妻年十九寡歷節六十餘年
卒 陳晉姐武舉人孫平妻年二十六寡歷節四十年

連居安林允發妻年二十寡年八十一卒 黃氏陳

存質妻年二十七寡歷節三十四年 陳奇姐黃在中

妻年二十四寡歷節五十餘年 陳氏林能泰妻年二

十五寡歷節五十四年 朱氏黃有才妻年二十七寡

卒年七十三 梅從姐陳子壽妻年二十五寡八十五

卒歷節六十年 林聰姐黃芹卿妻年二十六寡卒年

五十一 林求姐鄭霞妻子婦俞氏 楊氏陳而章妻

年二十二寡歷節三十五年 鄭氏柯國佐妻歷節四

十四年卒 林氏謝子黽妻年二十六寡歷節三十餘

年卒 歐氏梅大年妻年二十七寡五十八卒歷節三

十餘年 陳氏孫承禧妻年二十四寡七十九卒歷節

五十五年 何氏繆用霖妻年二十六寡歷節三十六

年 邱氏陳有翼妻年二十六寡歷節四十五年卒

黃安小陳綱妻年二十七寡歷節垂五十年 陳瑞小

鄭才生妻年二十六寡歷節垂三十年卒 林氏鄭翥

妻年二十五寡歷節四十年 秦滿姐陳志奇妻年二

十六寡歷節四十餘年 鄭氏卞成允妻年二十六寡
歷節四十餘年 羅氏林鍾捷繼室年十八寡歷節四
十五年 陳氏余成俊妻年二十寡歷節四十年 彭
氏陳文蘭妻年二十寡歷節五十餘年 陳氏林昊子
妻年二十七寡歷節垂五十年 黃靜姐張嘉祥妻年
二十二寡歷節五十年 陳氏林能挺妻年二十六寡
卒年五十二 林氏謝子方妻年二十九寡歷節四十
餘年 林氏陳如通妻年二十二寡歷節四十餘年
林懿德陳而輝妻年二十一寡歷節三十六年 謝氏

林惟月妻年二十二寡歷節三十五年 林氏鄭賦玉
妻年二十八寡歷節三十餘年 王頤姐林魯士妻年
二十八寡歷節三十餘年 鄭氏林成棟妻年二十七
寡歷節四十餘年 謝氏翁士義妻年二十寡歷節四
十年 楊氏陳馨若妻年二十五寡歷節四十年 葉
氏鄭家望妻年二十三寡卒年七十有五 胡氏陳異
木妻年二十五寡歷節五十年 孫氏陳子安妻年二
十四寡歷節六十年 陳氏林子富妻年二十四寡歷
節三十年 游玉小吳應聘妻年二十六寡卒年五十

九 孫超姐陳祥英妻年二十八寡歷節三十五年

劉氏林大儀妻年二十六寡歷節三十餘年 黃氏陳

欽若妻年二十五寡歷節垂六十年 田氏黃大昌妻

年二十八寡歷節五十六年 魏氏趙功寅妻年二十

八寡歷節三十年 陳氏林義燦妻年二十七寡歷節

三十五年 夏氏鄭翥妻年二十三寡歷節三十五年

鄧氏鄭邦烜妻年十九寡歷節三十五年 滕氏翁

達行妻年二十七寡歷節四十五年 陳氏吳益占妻

年二十二寡歷節三十餘年 傅氏吳希攀妻年二十

七寡歷節三十年 林氏鄭植妻年二十二寡歷節四

十餘年 周氏陳時照妻年二十六寡歷節三十餘年

張氏劉尚永妻年二十八寡歷節三十餘年 鄭氏

趙時文妻年二十八寡歷節三十餘年 陳保小薛士

禮妻年二十四寡歷節三十年 孫氏林光福妻年二

十三寡歷節三十餘年 林珠姐陳宇元妻年二十一

寡歷節垂五十年 李氏鄭時凱妻年二十八寡歷節

三十餘年 張氏諸生陳廷枝妻年二十七寡歷節三

十五年 馮氏陳理玉妻年二十九寡歷節三十七年

陳氏李士開妻年二十八寡歷節三十五年 邱進

小林文煥妻年二十六寡歷節五十年 陳玉姐王周

中妻年二十五寡歷節三十餘年 滕氏陳祖望妻年

二十九而寡歷節三十年 連氏林經訓妻年二十五

寡歷節垂三十年 孫氏楊元五妻年二十六寡歷節

三十餘年 林氏陳有叙妻年二十九寡歷節三十餘

年 張啓小陳鳴禊妻年二十九寡歷節三十年 黃

和小葉森然妻年二十九寡歷節三十餘年 蕭真姐

諸生王大元妻年三十寡歷節二十餘年 葉梅吉陳

公論妻年三十寡歷節二十餘年 張氏林朝宜妻年

十九寡歷節四十餘年 鄭氏吳翰占妻年二十八寡

歷節三十餘年 許字林禮如貞女吳氏 許字陳光

順貞女藍驚小 許字陳兆鎮貞女章德梅

明以下
貞烈

謝貞小謝玉璇女許字黃羽未婚羽卒貞小聞訃號慟幾

絕奔羽殯所誓不歸姑病割肝以療隨廣積薪草置庭

前人莫知其故迨姑卒喪事畢端坐薪上縱火自焚孝

宗降詔旌之

許松姐許元宴女年十七歸陳博善夫罹重疾囑氏曰汝
未有子當擇他適遂歿氏撫膺慟哭蓋棺後卽縊以殉
巡按白賁憫其節烈爲之殯殮焉仍書扁表其門曰孝
義

鄭定姐黃正旭妻夫病篤氏亦絕食夫歿自縊死

謝清小歸朱英閏月英死不食三日乘間登樓縊死

陳英穎陳啓震女歸劉以水夫死不食卒

林順德知州林金女許字孫夢弼夢弼死女隨父任聞訃
乃素笄縞衣泣告父母乞歸父母爲治裝具附大母歸

至夫家謁舅姑禮成拜奠夫殯所養姑以終當事爲之
表云奔未面之夫喪苦冰霜而誓死不二執無子之婦
道甘藜藿而孝子等匪虧萬歷閒旌

傅夏姐鄭邦槐妻夫質於寇婦漚麻自給久之人言夫死
婦方績遂入室自縊

吳欽順孫晟妻夫死週歲忌日一慟而絕

魏六姑處女也年十六父大椿病死母遺其孤綺而嫁時
綺方週歲六姑朝夕持以泣知不可他託遂不字竟撫
弟終其身綺後衍至千餘指皆六姑之貽也魏氏至今

歲時祭之稱在室六姑云

陳聰小陳邦權女許配黃應龍年十六聞夫訃泣曰夫死姑誰養姑劉淑真蓋黃縉之妻早寡撫其子以立者也陳因遂欲奔喪母止之引刀欲自刎母不得已與偕行至黃家哭盡哀易服拜姑遂不歸母家與姑同寢處凡日用器物終身不與人共一日小叔動其頸巾立碎而棄之姑亡築墓以夫祔焉陳亦隨歿萬歷十六年詔與其姑並旌家貧不能葬閩縣董應舉助成之且請於兵備使者呂純如表其墓

張仲玉許配陳舜位早夭仲玉年十八聞訃謀歸陳親難之泣而曰父母爲玉受聘我卽陳家婦矣遂奔夫喪拜姑括髮去飾避人獨棲辛巳正月鄰家火身憑夫櫬願與俱焚忽風返火滅其屋獨存戊子六月六日大師壓境縣民奔竄仲玉守柩懷刃以待明日兵入姑指前令于可舉旌扁示之兵義焉爲白將領懸令表識於門他兵遂不敢入一日病篤語姑曰死後衾歛毋經男子手篋中所積紡績金願爲營壙與夫合葬遂卒

蘇六娘年十六許配黃舜舉舉夭蘇聞訃泣奔其喪父母

逼之歸遂自縊有司旌其閭曰處女永貞

林金小壺江林熹女年十二歸連江鄭輝生一子嘉靖四

十二年倭入壺江金小適歸寧與妹玉小扶母登舟避

之賊突上其舟金小恐汚亟以子于母偕玉小投江死

國朝以下貞烈

○孫淑英林翼昭妻夫卒與姑周氏同孀守戊子兵變孫

懼為賊汚赴水死

○林氏陳用建妻順治戊子寇亂同鄉某氏赴井尋救出

見夫傷刃挺身翼之寇怒擊其首丙申又被寇獲

之不從子有璵出救同遇害

○林雲姐許聘吳氏順治丙申被寇獲行數武得一井給

寇曰盍緩予行憇於井側遂躍入年十四

○趙琚姐孫次琇妻順治丙申寇入抱週歲兒避農舍寇

搜及恐不免以兒囑其婢奔死於井

○黃連姐晉江蔡錫蕃妻從夫寓連江被寇獲同夫姊引

姐投廁死

○吳玉姐諸生黃元吉妻山寇猝至被掠奪刃力鬪仆地

受刃死

○陳慈姐諸生陳益翰女丙申寇陷城被擄忿詈不從寇力挽之挺身見殺年十五

○陳宜姐陳元暉女年十七被寇獲欲污之不從露刃加之終不屈被害

○游端容諸生吳捷妻山寇將至起夫出避自死後亭池中

○趙錦姐陳達如妻寇至勉女壽姐善事父女曰母死兒豈可受辱泣拜其父同赴江死

○陳敬姐諸生吳際翔繼母寇至與婦游端宜孫婦邱貞姐孫女順姐同時自縊

○董氏諸生劉鼎烈妻寇入引刃自刎鼎烈亦刎同里孫賢妻陳氏吳孔鉉妻李氏林昂女四姐俱一時投井而死

○蘭居姐章時葆妻寇警同女訓官死泮池中女年十三歲

○陳氏章日孟妻山寇入城與夫妹啓姐約同死遂殺其幼女自刎啓姐年未笄亦自刎

○林進姐諸生藍夢麟繼室遇寇與媳林氏同刎死

○陳玉姐周國學妻與姪女靜姐同紡織寇入玉姐赴水死靜姐從之

○張寧姐吳一凱妻山寇至先赴井死同里有一時俱投井死者吳兆鯤妻林氏林琛妻張氏劉璧妻陳氏鄭訊妻孫氏陳九重妻蔡氏陳子禎妻游氏游子騏妻陳氏陳聘妻孫氏梅燧春烘春妻徐氏林氏陳士策妻卓氏王英聚妻鄭氏黃守禮妾梅氏

○吳粹茂諸生陳雲金妻順治丁亥避兵荒室中聞四鄰淫掠聲謂諸妣曰不決辱將及遂赴井死同時赴井者

六人陳琚姐雲金妹許字諸生林肇乾子死時年十四諸生吳駿聲妻節婦陳氏國子監生陳宏謨妻孫氏妾許氏

○林氏陳承高妻寇至聞夫被獲死從樓上躍入隣家池而亡同里楊承鐸妻林氏死於河孫毅妻張氏死於池○某氏夫爲竹工寇至以大箕自覆刎死

○林氏楊承宣妻寇拷其夫林出救欲犯之不從被刃死子兆熊抱母屍慟哭觸階而死

○陳凝淑生有姿容適集政上里林挺梅子夫牧豎耳未

一歲死貧無以殯哭屍旁三日夜殮畢投縊死

○孫引小孫可任女年十七歸林增慶纔兩月慶以業漁溺死孫矢志自裁喪終盡哀致祭人夜嚴粧以大帶繫椽死事聞邑令徐甲第造其家祭焉

○何長妹何懷正女歸李大妹順治庚戌大妹爲寇所殺何聞遂自經死

○王穎姐邱卞玉妻年二十九喪夫未有子因決計死家素饒奩具甚盛悉以付小叔宸玉以他日嗣續之事托焉遂絕粒不食其母力止之不得已謬爲食飲如常母

因不疑乃乘閒縊死

○吳梅姐嫁東湖鄭亨泌甫一歲亨泌病卒執喪歷旬日闔戶投縊以死時人有詩弔之云尺繩名義留千古兩柩幽魂對六時門外一泓湖水碧春來曾照舊蛾眉

○吳玉小生而性嚴肅諸姑姊妹羣集喁喁諧笑獨毅然自持長適余玘家貧吳安焉曰吾生而貧者貧非所病也未幾玘病及劇吳涕泣誓殉玘慰之曰若自爲我家婦食貧良苦或者天其憐之俾終有甘乎吳泣曰君死妾安能得甘吾死決矣玘逝吳遂以鑱鋸喉血噴湧濺

地衆抱奪之不得死遂乃剪髮絕粒示不可生獨冀其
父來一訣父知之故不往將少平其氣庶幾其不死逾
三月始往視吳聞父至欣然易服出曰兒不孝不得終
侍老父將從余郎地下矣是夜卽所剪髮絞爲繩閉戶
自經而絕時年二十有四云

○王敬姐遷居郡之南臺歸諸生傅巖踰半載巖以篤學
成疾卒王悉舉篋笥中藏授翁爲治喪計曰必如禮旣
殮明日薄暮弟至相對泣因問父母起居訖命弟外宿
及晨家人皆起遽呼婦良久不應扶戶入已自經氣絕

面向臥內儼然正立也年二十有一

○張秀姐年十八嫁何良鵬未踰年夫病篤微探之張指
天以死殉誓夫歿卽欲自盡家人共止之數月嗣子以
疹殤張泣曰吾命也胡以生爲遂於是夕自縊死

○吳碧蓮歸林步苑生一女步苑得疾度不起語吳其自
爲計曰君死妾死奚計乎曰如幼女何曰俟斷乳可耳
步苑歿旣踰期女已斷乳乃曰此吾踐言時也欲投繯
其姑與同寢處不得聞遂市砒嚙之家人皆急爲解噤
不受越三日乃絕

○鄭氏陳莪妻莪家貧舌耕以養親鄭勤女紅佐之相得甚歡康熙辛卯莪邁疾死於學舍鄭痛哭語舅姑必相從泉下舅姑曲解之服喪越四十餘日卒投繯死時年二十三

○林氏許嫁新安里鄭若五子林歸鄭未踰月夫病就婦家延醫治之弗效明年正月卒於邑林數欲死之父母力勸終不聽踰月扶櫬歸促翁速營葬地及畢遂自縊

○董合珠吳雲達家婢也嫁章學閔學閔貧不自聊一日自縊于深山中董號泣求之無所得逾二年有樵者聞

鬼哭聲尾之見一屍已化闌珊遺骨旁有雙履歸輒語人以為異久之聞於董董曰得非吾夫乎亟往視其衣果手製也遂拾骸招魂掩之是夜亦縊死

○楊愿官嫁林鳴瑜家貧相敬如賓無何鳴瑜病謂之曰我貸于人者多死且負之矣奈何及死楊盡鬻其田廬什器徧償之自殺以殉

○陳梅姐謝守嶷妻年二十五歸於謝逾年育一子又逾年夫病剝臂肉糜以進終不起既殮遂投繯于寢

○侯月小陳滿仲妻年十八而嫁逾歲夫估於浙溺水死

其舅姑欲嫁之侯執義不可自經死

○林玉姐年十九嫁鄭鴻甫六閱月鴻甫得疾死越六日自縊於柩旁

○楊氏吳秦士妻也秦士歿自殺以殉一女方五歲將死時語女曰吾行從汝父地下汝生非男何恃以長須明日來攜汝翼日女竟無病死

○孫氏秦士弟光士之妻秦士死兩年光士繼歿孫氏啜欲殉之姑及諸妯防之甚周孫陰取刀自刎流血數寸喉不斷閱兩日至夜半以剪刀斷喉而殞

○陳氏張孝美妻夫死陳年三十有三家貧未有子既蓋棺閉門取所藏砒服之有頃毒作家人惶遽求藥以解麾不受曰吾志已遂無相困也遂卒

○吳氏楊永相妻永相以刺船爲生溺死於北斐洋吳聞覓夫屍踰月屍不可得痛哭自經死年方二十有五

○鄭氏吳國言妻國言歿鄭未及視殮經於屍側

○陳蕊姐嫁林宗琰四年夫死陳絕食執喪七日遂縊以死

○王日姐年二十適林尙燦六年夫病歿王投繯而卒

○孫氏翁士達妻年二十歸翁夫歿設奠如禮明日客弔於堂婦閉臥內經死矣

○陳住小農家子也年十八適孫輝南輝南歿陳閉戶自經衆覺救甦婉諭之因稍進飲食越五日竟縊死年三十五

○黃懿姐許字陳汝敬汝敬長樂人家於連江未婚而夭女年十五聞之怏怏及後漸有知乃數涕泣媒氏謀爲改聘而女不知丙寅五月陳母廉其事徑造女家女疑焉執婦禮出見相對悲不自勝少頃延姑於房詢所來

姑曰聞爾改聘吾來取聘錢矣女大慟曰有是哉亡人不幸乃以妻爲市因語姑曰幸少待之兒得爲計女先失意久竟歲不吐一言至是留姑宿盡吐所欲言隨取所受簪珥奉姑曰留此如見兒也日暮姑辭歸女泣送於門返卽沐浴理髮改著新衣竟引刀自截其喉未斷復割之乃死泊曉家人驗其屍蓋有截痕三云

○孫新姐年十九許配陳英健健奇醜人爭謔之女曰命也癸未夏英健溺水死訃至將奔喪父母阻之不得行却水漿七日不死遂縞素持喪絕語笑至七月十四日

福州府志 卷六十八
託言沐浴閉戶經於暗室鄉鄰爲籲有司旌之先是孫之姑歸大塿林增慶慶死於溺姑亦自縊以殉龍江劉寵爲作孫氏二烈傳贊

○鄭倫姐少孤善事其母年十五許字諸生陳錫標陳孤且貧莫能備禮持二釵定約而已未幾病死女聞訃卽求往殉母兄止之百方終不聽兄泣曰妹之志決矣盍從所之乎女至陳行告廟禮拜柩前嗣子出拜徹所飾二釵畀之卽前以爲聘者也於是起振衣出袖中繩就縊繩斷起易繩復縊而氣絕

○吳淑姐許字諸生趙讓賢未婚讓賢渡江溺死訃至女以殉請父母諸母泣勸不答亦不食閱五晝夜奄奄欲盡乃許其行至趙門引繩自盡

○陳容姐許配鄭子章雍正癸丑春子章死女年十六造鄭氏從容縊死

○孫氏許字葉起雝雝病天孫年二十一至葉門大慟引刀自截而絕

○林蘭姐祖母游氏以節立女習內訓許字諸生黃鳳彩歸有日矣適鳳彩母喪未克婚終喪鳳彩亦卒女行弔

至黃門詣屍所時方未殮女入房中拜拜已顧侍婢取衣來婢出亟闔戶出袖中繩繫床就縊死乾隆五年旌

○陳招姐許配張光煨煨溺海死女聞晝夜悲泣逾月閉戶自經死

○李引姐許字陳日秀未婚溺水死引姐至夫家自縊以殉

○孫氏王燮妻歸于王未募夫卒時適有兵禍乃赴井以死

○陳氏諸生吳光祚妻教授陳祖念女也夫耽飲不修家政陳以織紵供食極憔悴無懟容夫卒人疑貧當改節陳勵志彌堅難作投井死

○林氏蘭申妻卽夢麟姪婦也與夢麟妻同日刎死

○鄭郡姐候官貢生鄭班熊女夜坐井旁兵入遂赴井而死

○林氏游僕妻素安貧約時夫爲兵獲懸拷金帛氏挺身出救兵欲攜以去奔入池死同時有黃氏林琛子志第之妻黃氏歸林未數月從姑死於井吳道成妻孫氏兵

入赴井死

○陳氏林可金妻海寇掠諸鄉遽投潭以死同時有薛恭
姐張楊輝妻戊子海舶攻堡陷薛登草樓以大帶雉經
椽上死張氏王承禧妻戊子大兵入城奔投儒學後河
溺死

○吳菊姐及笄許配黃廷棟黃苦貧不能娶同幼弟賈於
外病歿女誓不改志既而有議婚者輒涕泣求死自是
爲父母治家以節孝終其身

○蘭氏孫肯獲妻避難密室夫被寇拷急氏出以身翼之
寇怒氏自刃死夫得釋

○何氏陳承禮妻承禮痛父爲寇拷計無所出哭投於井
何悲夫死絕食七日亦卒

○張氏楊八妻孀居寇入攜子避樓上被獲躍入江死屍
逐江水去三日湧出子猶在抱

○凌氏林明夏妻寇入被擄投死無路適至督學某祠前
給之曰吾從汝宜寬吾縛寇信之釋繫粹取石斧碎寇
顱繼至者怒立刺殺之是夜魂歸訢姑告死所夫求屍
瘞之顏色如生

○某氏女避難文廟寇入被拘堅拒不從以頭觸地詬罵不絕寇怒刃之仰喉觸刃而歿

○陳圭姐主陳九霄女寇劫之至城上乘間躍城下折足寇投以巨石匍匐赴河死

○孫西姐林翥妻寇入以幼子付姑將赴水爲所獲給之曰我有藏金某處願贖兵信之至途中投井死

○某氏張九妻寇入投河死時有陳士偕婢露錦林架婢妹妹年俱幼與農家陳氏女皆投井死

○章氏林如錦妻寇將至挾毒自隨及被獲服毒死

○劉氏名小珠林仲蔚妻爲寇獲不從被扃於隣家樓自縊死

○楊聯姐許字游日臨日臨卒訃至聯姐絕食七日自往拜奠立夫姪邦直爲嗣遂出所藏綵繩自經死邦直稍長亦卒聘林氏未婚氏年二十縞素歸游爲夫立後祖姑病割股愈之歷節五十餘死楊於康熙十八年旌林於康熙六十一年旌

○王敬姐歸諸生傅巖甫四月巖卒氏誓不欲生投繯以殉

○陳氏黃金榜妻金榜夭未有子翁姑諭以祭奠需人不
卽殉旣終制求死其母亦節母也以身嘗守節不卽死
諭之氏曰母寡不死兄在抱也兒奚俟哉遂口占二十
八字訣母自縊死

○林菊姐許字陳滢滢死女痛欲殉父母諭以歸陳守節
給田畝資養終身女曰夫死矣焉用生爲遂絕粒三日
竟歸於陳謁靈畢撫嗣子囑之從容投繯

○鄭裴懿許字高擢擢卒女欲歸夫家諸親沮之私入室
自縊

○林氏枕姐許字劉文駿年十七夫亡奔喪乘閒雉經於
柩側距夫死十二日

○芑氏許字鄭光謙謙歿訃至拜父母兄弟登輿就道行
八十餘里神色自若到鄭門哭奠畢袖出苧繩自縊於
夫柩前

○林賡姐許字陳兆鏞夫歿誓以身殉母防之密乘閒閉
戶自經顏色如生乾隆十二年旌

○黃氏歸鄭志廣家貧夫卒拮据殯殮畢卽投繯死

○章泮姐許字邱嶠宗夫卒聞訃自經死

羅源縣

明以下
貞節

林氏鄭良柱妻年二十四夫歿孤應召長娶陳氏生女國
是甫五歲應召復亡後國是適林允隆亦早寡歸母家
以撫遺孤崇禎十一年知縣盧萬年旌之

歐潔娘年二十許字諸生王德元夫歿撫妾遺腹孤榮如
已出後榮補弟子員娶婦陳氏榮又早世遺孤文蔚陳
氏與姑同翼稗孫底於成立知縣蕭蔚旌曰雙節

林氏游秉恕妻夫天亡姑屠氏年八十餘瘋疾不能起三
年氏為盥沐梳櫛色養倍至夜則就寢姑旁人稱其孝

林壽娘陳敬妻年二十四而寡以節聞

已經旌表貞節

吳氏陳新蘭妻 沈氏丁景達妻

未經旌表貞節

葉淑貴胡有褒妻守節四十九年 黃引小吳則著妻

教諭光祖母 沈氏諸生全大倫妻 阮氏諸生陳鏡

妻訓導文漑母 葉氏林一理妻 陳氏林上琪妻守

節五十八年 彭氏尤琦妻 許氏王某妻 鄭琅姊

郎中尤光被側室
歐氏鄭瑋妻
趙氏惠州人象山
縣丞陸引妻
丁以賢黃閣選妻守節六十五年
林

氏黃文謨妻

林氏全學會妻

國朝

以下
貞節

○黃氏陳臣章妻年二十夫卒家貧奉姑撫二子成立順

治十五年 旌

○張氏鄭國僎妻年二十五夫亡撫孤娶婦生孫婦歿撫
孫成立年九十三卒

○林氏黃復陽妻年十九夫歿撫遺腹孤長娶婦一年又

歿氏撫孤孫有成壽八十七

○王氏諸生胡靖妻年二十六靖歿氏苦節撫三孤適耿
逆索餼錮其舅拷掠之氏竭簪珥得贖盜掠其家刃及
姑氏以身蔽哀號得免年八十三卒

○林氏游德之妻夫遭耿變死於途苦守二孤娶婦育孫
未幾二子繼歿氏辛勤撫孫營墳墓葬舅姑卒年七十
一

○陳氏葉申妻年十九嫁甫半載夫死於寇氏養舅姑撫
孤兒年七十三卒

○鄭氏適諸生黃咸聲舉一男纘光甫三歲夫歿氏年二十一堅志撫孤事姑孝謹纘光爲諸生氏年八十五卒

○鄭氏林天于妻年二十七孀守撫孤年七十五卒

○黃氏胡救妻年十九而寡撫一女相依爲命歸兄家苦守而終

○黃氏陳大桂妻年二十五夫歿立嗣守節年八十五卒

○游氏黃廷燦妻十九歸黃甫三載夫歿氏奉姑撫子有成

○陳氏諸生黃文經妻早喪夫矢志孀守孝養耄姑撫二

子成立

○黃氏諸生游安國妻年二十五夫喪孤甫三歲氏竭力養姑訓子有成壽六十餘卒

○尤氏黃亮章妻夫死孀守爲夫擇嗣年八十終

○趙氏王士元妻年二十八夫死家貧孝養舅姑撫訓孤子歷節四十二年康熙閒旌

○廖氏黃雲錦妻年三十夫亡家貧勤女紅事舅姑訓孤子長遊於庠

○陳氏胡兆顯妻夫亡撫孤成立

○歐氏倪可任妻夫死事姑盡孝教子有成

○黃氏適鄭世珩二十而寡以節終

○黃氏繆士琳妻二十歸繆四載夫亡孤甫三歲年七十有四以節終

○游氏黃永顯妻二十八而寡撫二孤成立年五十卒

○黃氏鄭文卿妻二十四而寡撫遺孤育四孫成立年六十四卒

○林氏丁志相妻年二十夫歿以節終

○游氏林瑞趾妻年二十八而寡苦節四十餘年

○鄭氏阮汝發妻年二十七夫歿氏撫四孤成立年七十五卒

○江氏陳子良妻年二十五夫死家貧躬樵採撫二孤成立

○朱氏林舒英妻年十九夫歿撫孤子成立

○王氏黃宗憲妻二十三而寡奉姑孝謹撫三孤底於有成

○潘氏鄭士發妻年二十七孀守上事翁姑下撫二孤苦節不渝

○林氏黃之理妻年二十五夫歿奉養舅姑撫二孤有成
年六十二卒

○程喜娘周振臺妻生四子夫歿氏年二十八撫諸孤俾
克成立壽七十九卒子崇韜邑庠生孫禮拔貢生

○鄭氏阮汝發妻二十七而寡撫孤成立年七十五卒

○游氏諸生丁庚甲妻年二十四寡守節八十八歲而終

○黃氏諸生蕭時嘉妻年二十五寡乾隆三年旌

○朱氏貢生游奕輝妻年二十四寡撫孤各有成立乾隆
九年旌

○鄭氏陳掄妻年十九而寡撫孤苦節乾隆十年旌

○鄭氏諸生林濟時妻年二十九守節乾隆八年旌

○黃氏諸生尤憫妻夫死課子有成乾隆十三年旌

○鄭氏林光綬妻夫死守節

○黃氏葉綱妻夫死守節

五代
以下
貞烈

石氏二女長月華次雪英早失父母處州青巾賊作亂被
掠長者曰吾寧死不受辱也遂投河次亦從之

明
以下
貞烈

黃氏趙行廣妻夫死視夫歛訖沐浴自經

林氏名壽娘適饒建半載夫疾草顧之曰汝年少善事後人氏泣曰脫有不幸我何生爲夫歛畢隨自縊

尤偉小適福寧林汝瞻生三男一女時廣東流寇至一家被擄三子鬪死舟至鑑江港口氏歎曰此爲吾故土生死於此足矣免罹辱遂抱女同投江中一門三十四口皆投江死賊亦歎曰此一門貞烈也時汝瞻在別舟遇贖得脫

尤圭妹戶部郎中尤光被女嫁寧洋陳龍津以選薦判和州寇至圭妹被擄義不受辱抗聲罵賊遂遇害

鄭氏適林應龍三載而夫卒投繯者屢家人守之越月竟絕食死事聞詔旌

李若真適陳孔詩孔詩沒父憐其貧密受人聘氏覺沐浴自經死

葉氏陳協吉妻時海寇猝至氏遭擄恐見辱至西麻橋投於橋下水淺不死寇欲援之觸石死

某氏萬君仲妻生一男寇至匿山林兒啼遂被擄至渡頭上筏氏佯請寬縛便乳兒遂身投於河寇援之不及亦

棄其子於水賊退兩日屍抱兒出宛然如生

陳氏陳昱女年十四以無兄弟願終養父母遂截髮以示家人終身不嫁巡按張某旌曰節孝

國朝

以下貞烈

○黃氏趙士恩妻夫死黃年二十竭貲治喪具斂畢遂自經死

○鄭氏諸生林登龍妻夫卒無子屢投繯以救解越兩月竟絕食死

○唐氏陳文榮妻夫卒越三日投繯殉之

○黃氏陳在臣妻嫁七日夫沒氏日夜守柩哀慟不絕十七日卒

○王氏許字鄭世球夫死數日自縊以殉

○陳氏許字黃祖瀚夫沒聞訃欲奔喪家人阻之乃投井以救免遂自縊死

○林氏名靜姑許字陳式湯未嫁湯死於虎訃至女欲奔喪父母不許遂絕食越兩日盥沐經死顏面如生

○陳氏潘在御妻年二十二夫死哭泣不食沒

○游氏適阮長福纔七月夫病刲股和羹以進及夫死既

○殯遂投繯以殉

○林氏饒建妻年二十而嫁半載夫沒殯畢遂自縊以殉

○范氏明官許字吳求求卒氏聞訃自縊死時年十七乾

隆九年 旌

○黃氏淑望許字游承鼎承鼎病革而絕氏奔游門大慟

承鼎忽蘇乃剗臂肉以進越三日死守貞終身

永福縣

明以下貞節

未經旌表貞節

方氏林愈妻 鄧氏陳武瑜妻 梁氏柯鸞妻 游氏

鄢鈿妻 宋氏通判邦俊女董朝鍾妻 林氏方童妻

鄭氏方堪妻 林淑真張文纘妻 林氏蔣應朝妻

林潔娘郭祉妻 陳氏鄭文釗妻 黃綉小張文德

妻 林玳小王拱妻

國朝以下貞節

○林氏金彥卿妻夫歿力貧撫子常減餐以供姑姑歿執

喪盡禮孀居二十三載康熙五十三年 旌

○吳氏諸生林若采妻夫歿氏年二十四事翁姑克孝撫

孤成立歷節五十九歲

○林京舍柯大煥妻年二十九夫死育子有成守節三十餘年

○林氏諸生黃玳妻玳早卒氏矢志撫孤營葬舅姑及夫
樞苦節終身巡撫呂猶龍旌其門

已經旌表貞節

陳瑞玉張世堪妻媳黃元使亦守節 林一佛諸生董

克驥妻 蔡副姐陳瑞亭妻守節六十七年 劉擇使

齊一鴻妻 陳努使黃毓長妻 林熙使杜世炳妻

林碩使張昌儀妻

末經旌表貞節

林麟使謝本宏妻 翁氏諸生彭舉妻 林品宮陳聖

制妻 劉舉官董繼芳妻夫卒守節六十餘年 林慧

使卓道祿妻守節四十年 陳渭使鄭介卿妻 林上

坊張運中妻守節四十餘年 謝寨姐林爾賢妻 陳

居姐程克煥妻 林氏張自御妻 王氏諸生黃其宏

妻 張整使程敦榮妻 唐士姐方璧妻 王意使方

其騮妻 張氏王克善妻 彭氏諸生林在德妻 何

氏鄢廷弼妻 王氏鄢肇鎬妻 張氏諸生鄢庶績妻

張雍鄢成志妻 檀顯鄢而術妻 魏順鄢而衡妻

林淑使諸生吳時崑妻 柳去使薛仲器妻 張寧官

汪世正妻 鄢氏張自聲妻媳鄢氏亦守節 林氏鄢

一樑妻 汪氏鄢大紹妻 鄢篆使何煥貞妻 曹珮

官鄢一昱妻 任氏陳知日妻 傅氏巫志侯妻 葉

勸使魏大賚妻 朱鶯使魏鍾妻 吳僊使魏大敦妻

何組使國子監生吳家珩妻 林爾宜諸生柯端陽

妻 柯歲使葉任彭妻 陳佑使林玉卿妻 李氏諸

生林在邦妻 李氏蔡惟典妻 賴氏蔡孔玉妻 張

氏蔡孟章妻 游氏張其藻妻 廖粧使張叶莊妻婦

陳恭使亦守節 程美使鄭光達妻 張廉姑陳曰信

妻 方愛姑張爾文妻 夏玉使何國棋妻 張奇姐

余君拔妻 張美姐盧以鼎妻 章福貞汪兆璋妻

汪怡使檀祖榮妻 陳長姐檀祖佺妻 吳氏陳易修

妻 陳氏林宗夷妻 林淑使汪持邇妻 鄭氏邵典

盤妻邵籍興化 林氏諸生游渭妻 張志使諸生游

佺妻 吳瑞使諸生林球妻 盧餘使張宜公妻 林

氏諸生黃鉉妻 王生宋方在妻 葉莊使朱秩人妻

沈氏國子監生張宗隆妻 朱氏張夢捷妻 鄭穹使

陳經侯妻 毛端使林文重妻 柯美官國子監生黃

元吉妻 鄭昭宋吳永生妻子婦陳氏亦守節 邱新

姐陳君喜妻 江恒哥諸生柯正甲妻 林氏陳大紀

妻 黃氏江友蘭妻 鄭鸞使陳朝保妻子婦林氏亦

守節 魏整使林漢永妻 張全官鄭觀光妻 卓氏

廩生張中書妻 蔣氏國子生何世俊妻 陳節使柯

正鑑妻 高宗姐張則定妻 柯寶使星明輔妻 黃

順使吳茂岳妻 任翰使林孟玖妻 侯氏陳孔奇妻

鄔守使朱仕偉妻 劉康使魏古泉妻媳張孝使亦

守節 張氏諸生魏北拱妻 林蒲使諸生薛世隆妻

柯成娘楊君鎮妻 陳暮娘楊大新妻 黃章使柳

而正妻 張欽官陳而長妻 范鳳使黃邦清妻 盧

氏汪惟岐妻 柳機使陳絢木妻媳張氏亦守節 吳

氏王能益妻 卓氏薛聚奎妻 陳氏諸生何連超妻

鄭節使陳元祚妻子婦葉氏亦守節 張莊官柯文

榕妻 鄭藻使諸生柯文儀妻 徐清使林上英妻

福州府志
卷之二十一
列女四

黃淑真知縣黃楷女許字方時興時興卒奔喪貧守終身

國朝以下
貞烈

○黃氏明太史黃文煥女孫許聘淮陰劉氏子未婚夫亡

請奔喪不得遂成服於室無何聞有他議自投樓下不

死居五年不釋服曰不歸劉葬夫墓終不釋也舅姑乃

迎以歸謁墓慟哭哀感行路淮人士歎美之吳江潘耒

有黃節婦詩

○魏儀使許聘允溪黃金理未嫁而金理卒儀使聞訃破

鏡自刎不死夜屑金吞之又死乃歸黃半載舅姑歿

復歸魏月餘夜半沐浴更衣袖夫手寫文一卷投繯死

順治中 旌

○某氏鄭君瑞妻順治戊子寇變被執投巖死以夢聞於

君瑞覓屍歸葬顏色如生

○張氏名德瑗張上春女移居會城許嫁閩縣倪廣年順

治丙申寇警德瑗避地甘蔗洲寇逼犯之與嫂陳氏赴

水死年十九

○鄭氏許嫁張道賢未娶道賢卒女奔喪守貞事姑唐氏

○甚孝姑卒葬舅姑及夫復爲壙以待已終耐焉

○程氏名靜宜許字劉熙輝未婚聞夫病草卽絕粒不食
訃至奔喪不食五日而歿

○陳臯使 字諸生李有杜聞夫訃不食七日奔哭死于
喪次

○謝秀璉生有慧質年十三父母繼歿遺妹五歲弟生甫
數月秀璉自矢不字撫弟妹長成爲之婚嫁葬二親年
旣老值山寇竊發過其家相戒勿犯以去

○柯氏鄭春典妻夫歿之四十九日自縊死

○朱推使張大鉉妻夫歿無子至小祥沐浴拜姑與父母
絕粒十日而死

○游氏鄔廷致妻夫死及葬治雙穴從容自盡

○方祥使許字張光敷夫死絕粒不食適夫家投繯以殉
雍正五年 旌祀節孝祠

○柯氏秀使許字張大儼大儼卒氏聞訃奔喪守貞五十
二年乾隆十六年 旌

○何氏謝欽長妻欽長死無子族戚勸其撫嗣孤氏曰已
許夫以死奈何背之卒自經死乾隆九年 旌

○柯望使適林文憲夫死氏不食五日自經死

○陳氏諸生張愚妻愚卒氏自經死

○游廷官鄔鏘妻夫卒奉姑撫嗣子成立曰吾事已畢卽絕食卒

○柯旺使林士章妻夫卒五日氏治殮畢從容投繯死

○劉月姐年十六遇賊被執欲污之不從詈不絕口遂遇害

○張送使適林在雍甫半載夫卒氏投繯以殉

○陳允禮妻年十七歸陳父閱月夫卒氏葬夫畢不食九日卒

○黃顯使適福州詹周士三載夫死氏自縊柩旁

○張氏莆田人適邑人陳子儀夫卒遺腹生女氏憤痛棄於河扼吭而卒

○黃氏張礪公妻礪公死氏從容就烈

○林雍使許字程克繼克繼卒女歸程貞守

○余氏名金柳汪世合妾世合卒投繯以殉

○某氏陳宜子妻夫卒從容自縊而死

○陳扶姐適羅某里有豔其色逼脅之氏自縊死乾隆六

年 旌祀節孝祠

○黃士韞林在劫妻夫早卒氏矢志殉烈姑勸阻至期年
咏絕命詩一章從容自經死

○黃淑貞何世輻妻夫病篤適山寇猝至氏守夫不去遂
被執義不受辱罵賊以死年二十六

○莊車使邱啓受妻年十九夫卒舅姑欲奪其志受某氏
聘及期氏拜舅姑及夫靈入室自縊死

○林玉纘許字黃士拔未聘士拔卒歸黃貞守

福州府志卷之六十八

終

